

# PARS PRIMA.

De speciebus tam in integris quam in fractis, sunt autem numero quinque, ut Numeratio, Additio, Subtractio, Multiplicatio & Diuisio.

## NUMERATIO.

Quemlibet numerum præscriptū, proferre, aut etiam propositum, per figuras Arithmeticas recte scribere docet. Figuræ autē siue characteres, quibus omnis numerus scribitur, numero sunt decem, quarum priores nouem, ut 1 2 3 4 5 6 7 8 9, significatiuæ appellantur. Ex his enim quælibet eum notat numerum, quem naturalis ordo numerandi (à leua uersus dexteram) tangit. Decima uero 0 scilicet, cyphra siue nulla appellatur, hæc enim sola posita aut inuenta, nihil significat, significatiuis tamen uersus dexteram adiuncta, aut etiam illis interposita, earum significationē auget. Augmentum uero omnium figurarum, ordo locorum representat.

Quæ